

17.25 CUNTRASTS SIN SRF 1

Viver cun il luf è viver cun gritta, nunpuossanza e fascinaziun

Il luf è ina realitad. El è qua ed il dumber crescha e chaschuna problems e tensiuns en l'agricultura, en il turissem ed en las vischnancas. Il luf ha dentant er effects positivs per l'equiliber ecologic e per il guaud.



Co vai da viver cun il luf? Quella dumonda ha l'emissiun «Cuntrasts» fatg a persunas che vivan e lavuran en territoris ch'els ston parter cun il luf. Co èsi per la pura e mamma da Pigniu che ha già in inscunter cun quatter lufs mo paucs meters sur sia chasa? Co lavura il persunal d'alps ch'è confrontà cun attatgas dal luf? Daventi sco viandant u biker propi pli privlus da traversar ina scossa cun vatgasmamma en territoris cun lufs? E co statti propi cun ils aspects positivs dal luf sin il guaud grischun? Ils «Cuntrasts» dattan in'egliada a la convivenza tranter carstgaun e luf or da different'optica e perspectiva.